

醫通卷十一

張氏醫通卷十一

長洲石頑張

璐路玉父纂述

以柔安世

訥遜言

叅訂

婦人門下

產後

經曰乳子而病熱脈懸小手足溫則生寒則死
乳子中風熱喘鳴肩息者脈實大而緩則生急則死
上條言產後以乳哺子之時而患熱病其脈只宜
懸小不宜實大者以產後新虛故也設脈雖懸小
而見手足逆冷又為脾氣衰絕陰氣暴逆之候亦

主死也下條言產後中風熱而至喘鳴肩息以風熱逆於陽位其脈必不能懸小但須實大之中而往來和緩則脾胃之氣在其中矣設見急疾胃氣已絕安得不死後世以爲乳子二字誤認小兒如張介賓之明亦不加察且因此而謂小兒不當視虎口三關卽宜診兩手六部非智者之一失歟

金匱云問曰新產婦人有三病一者病瘧二者病鬱胃三者大便難何謂也師曰新產血虛多汗出善中風故令病瘧亡血復汗寒多故令鬱胃亡津液胃燥故大便難產婦鬱胃其脈微弱嘔不能食大便反堅但頭汗出所以然者血虛而厥厥而必冒冒家欲解

必大汗出以血虛下厥孤陽上出故頭汗出所以產婦善汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之
病解能食七八日能發熱者此爲胃實大承氣湯主之

產後氣血俱虛汗下皆禁獨此一證用大承氣者乃證治之變不當以尋常例測也以其病解之後尙有餘熱在胃所以能食食入既多至七八日更加發熱者此必復傷飲食之故故知胃有實結恐其煎迫津液故以急下救陰爲務然必年體強旺脈証俱實且時日既久與新產大便難不同是可

議下設遇胃虛之人雖能食而所食不多卽有發熱便秘亦屬血虛急宜調養氣血斷非之氣所宜不可恣行攻擊也

產後腹中疴痛當歸生薑羊肉湯主之并治腹中寒疴虛勞不足若寒多者加生薑皮一觔痛多而嘔者加橘皮一兩白朮一兩

產後腹中疴痛乃寒積厥陰衝脈故用辛溫以散血中之寒助以血肉之性大補精血較諸補劑功效懸殊若腹痛兼嘔而所嘔皆是稀痰是知脾虛濁氣上逆故加橘皮以宣散其氣白朮以固護其脾倘見血逆而嘔所嘔渾是清水腹脹滿急則加

桃仁肉桂其見言外矣至於寒疝虛勞少腹結痛總是下焦寒結亦不越此方也。

產後腹痛煩滿不得臥枳實芍藥散王之并主癰膿以麥粥下之。

仲景凡治腹痛多用芍藥以其能收陰氣之散也以其能除血痺之痛也以其能緩中而止急痛也本草謂主邪氣腹痛故多用之蓋五氣之邪莫如厥陰肝水之性急暴一有不平則曲直作痛也此方治疝痛用芍藥爲主佐以枳實炒黑入血破積聚收陰緩中逐陳致新麥粥補血下氣而壯血脈也。

師曰產婦腹痛法當以枳實芍藥散假令不愈者此
爲腹中有乾血著臍下宜下瘀血湯主之亦主經水
不利頓服之新血下如豚肝

血之燥乾凝著者非芍藥枳實可能治須用大黃
桃仁麝蟲下其血閉更加蜜以緩大黃之急也

產後七八日無太陽證少腹堅痛此惡露未盡不大
便煩躁發熱切脈微實再倍發熱日晡時煩躁者不
食食則讖語至夜即愈宜大承氣湯主之熱在於裏
結在膀胱也

太陽爲表膀胱爲裏七八日表證入裏故曰無十
陽證惡露已爲病氣所鬱不能盡去邪因入裏與

惡露相搏結在膀胱而作少腹堅痛下焦熱極故不大便煩躁發熱更切其脈微實再倍其發熱在日晡時而煩躁不食熱邪又攻於胃胃熱則不食食入則穀氣之熱更助兩熱相併故譫語至夜即愈者產後血虛熱邪易入血室入血室則夜如見鬼狀言此以明其熱不在血室而在膀胱與胃故用大承氣湯也。

產後風續之數十日不解頭微痛惡寒時時有熱心悶乾嘔汗出雖久陽旦證續在者可與陽旦湯。舉此與上文承氣湯爲表裏之例。

產後中風發熱面正赤喘而頭痛竹葉湯主之溫覆

原书缺页

婦人乳中虛煩亂嘔逆安中益氣竹皮大圓主之有
熱者倍白薇煩喘者加栢實一分

乳中虛言乳哺而乳汁去多則陰血乏而胃中亦
虛陰乏則火撓而神昏亂胃虛則嘔逆用甘草瀉
心火石膏療煩亂竹皮主嘔逆桂枝和營氣又宜
導諸藥使無杆格之逆煩喘者爲心虛火動故加
栢實以安之

產後下利虛極白頭翁加甘草阿膠湯主之

傷寒厥陰證熱利下重者用白頭翁湯苦寒治熱
以堅腸胃此產後氣血兩虛故加阿膠甘草然不
利血滯也古人云血行則利自止此方豈獨治產

原书缺页

少腹中急摩痛引腰背不能食飲千金內補當歸建
中湯產後一月日得服四五劑爲善令人強壯若大
虛加飴糖六兩湯成內之於火上煖令飴消若去血
過多崩傷內衄不止加地黃六兩阿膠二兩合八味
湯成內阿膠

產後血去營衛俱虛內不充於五藏肝木妄動作
腹中刺痛上不充於膈中遂吸吸少氣下不濟於
腎故少腹急引外連腰脊六府不和則不能食用
此以益營衛伐肝邪補中和內○按此卽黃耆建
中之變法彼用黃耆以助外衛之陽此用當歸以
調內營之血然助外則用桂枝調中則宜肉桂兩

不移易之定法也

千金二字義見中風門方千金三黃湯下

諸禁。一禁臥二禁酒三禁浴四禁寒五禁汗六禁下七禁利小便八禁寒涼藥九禁起動作勞蓋初產血氣未定遽臥則惡血上升故分娩之後須高臥仰倚切不可卽臥三朝始可稍去其壅尙宜高枕七日後如無他病方可安枕多有半月後未能貼席者酒能助火亂經誤用不無動血之虞至如雞子猪腎一切滯氣堅紉難化物及生冷膩滑皆不可食卽砂仁湯亦能動血咸在禁例浴能升動惡露雖當夏月亦須禁之曾有產數日後因浴瘀血上衝而斃者亦有因浴動血誤用寒涼瘀結不行血化爲水喘滿腫脹

而不可不慎也。新產驟虛最忌寒寒則血凝
凝則氣逆元生每至飲食不化腹痛作瀉禍患莫測
欲去其瘀則正氣并脫欲止其瀉則瘀結不行惟蓄
桂參朮辛溫峻補庶幾血行瀉止故冬月一產卽宜
重綿兜護其腹在夏月亦當複巾裹之機要云胎產
之病從厥陰無犯胃氣及上中二焦爲之三禁不可
汗不可下不可利小便制劑之法能不犯三禁則營
衛自和而寒熱止矣故產後雖有表證一切風藥皆
不可用以其性升不特載血上行令人發暈而且令
人亡陽多致汗脫而死不特風藥當禁卽佛手散中
芎藭皆爲散用恐湯能發汗也至於下藥尤爲切禁

非特硝黃難於輕試。卽漫便數難者。只宜調養元氣。若車前澤瀉之類。咸非所宜。以產後百脈空虛。自來至表。無一不虛。虛則諸寒皆禁。卽芍藥亦難輕用。以其酸寒伐生發之氣也。地黃皆當慎用。以純陰之味。能令作瀉也。黃芩能凝滯瘀血。令人惡露不行。爲害不淺。然皆產後常禁。設有表裏各邪。又不當拘於上說也。試觀金匱產後例中。陽旦湯之用芩芍。以其中有桂也。薛按八珍十全之用熟地芍藥。以其中有參朮及桂也。豈復拘於此例哉。况乎大承氣小柴胡三物黃芩下瘀血等方。皆產後治例。此聖人臨證如日大轉回天之手。非尋常下土可得而測識也。迨夫早

起時勿不避風寒。不禁飲食。往往致成大病者。皆自作之孽耳。○凡產後之脈。寸口洪疾不渴者死。沉微附骨不絕者生。緩骨沉小者吉。實大弦急者危。牢革結代及瀯滯不調者不治。

血暈。○產後元氣虧損。惡露乘虛上攻。眼花頭暈。或心下滿悶。神昏口噤。或痰涎壅盛者。急用熱薑便主之。若血下多而暈。或神昏煩亂者。芎歸湯加人參三五錢。澤蘭葉一握。童便半盞。兼補而散之。痰合二陳加烏梅薑汁。并用鐵杵鎚燒令赤。以醋沃之。或燒漆器并亂髮以烟熏之。產後因虛火載血上行而暈。用鹿茸灰爲細末。好酒童便灌下。一呷卽醒。行血極快。

產後昏暈嘔逆不能飲食。此胃虛挾痰所致。以抵聖散去赤芍。加炮薑茯苓。慎不可用芎歸。血藥膩膈。其嘔逆愈不能止矣。○初產血暈。速與扶起。勿臥。用韭菜一握。切碎。入有嘴磁瓶中。將醋煎滾。澆入瓶內。急盪瓶口。以嘴向婦鼻孔。令氣透入鼻中。卽蘇。若惡露未盡。忽昏悶不省人事。須問先因感氣而下胎者。以二陳加芎歸。香附。桃仁。山楂薑汁。切不可作中風治。產後口眼喎斜等證。皆大補氣血。十全大補下黑龍丹。肥人佐以痰藥。如星半不香之類。若作中風治。而用小續命必殆。若腹中刺痛者。嚴氏清魂散。血暈語言顛倒。健忘失志。此血入心包。宜笑散加鬱金。或